

Balua gba Polo pi Filemo Eli na kalanu

Filemo nani ne makilisito na kpekpeke, a mana me a ko nani saka okpala na Dadjua gba Ebhe na Kolosai. La die, adu nani ka ani ne bali bini inde adu 'li e me Onedjime. Bali ango-o, akpe nani makula e, ani anu au li e ne Polo me ani nde bhú tikpu. Ani adje Bádha Ngali gba Kilisito ka Polo, ani atsia akolo makilisito. Abhomu-o, Polo atsia aye balua pi Filemo ne nayo ka ani me, a ayo me u dje lio ne bali gba e-o. Polo atsia atima Onedjime agba Filemo ne nakikiliki li e pi Filemo me, ani sia ani ne bádha bua, ani asia bha ani maka bali inde u ambu li e de. Engú bini, ani sia ani maka ndai e inde makilisito.

Ongbengbe ongú inde bhú bhuku inde-e ngae inde:

Eli na kalanu 1-3

Napa 'ngú ndjindji li kute Filemo 4-7

Nakikiliki lie ngubula Onedjime 8-22

Eli na soso 23-25

Polo ne Timoté yi Filemo ne obi e mayi

¹ Ma aye balua inde-e pi mu ngama Polo. Ngama-a, ma bhú tikpu kabula 'li Yesu Kilisito . Ya aye pi mu ngaya bhú dabili bini ne ndai ní na mukunda Timoté. Ya aye pi mu ndai ya Filemo, ngamu kpala inde ngakpokpo Bádha Ngali bhú dabili bini ne ya-o. ² Ya aye di balua ango-o pi ndai ní na eole Apia, ne pi Alisipe inde ngagu

gbele bhú dabilì bini ne ní-o. Ya aye di pì ondaise ní inde ayoyo Ebhe bhú 'tì gba mụ-o. ³ A ayo me Ebhe 'Dyi ní, bhú dabilì bini ne Ngámá Yesu Kilisito suno bádha bhú 'bu pì yi, amba u ha di guo 'ngú pì yi.

Polo agie heni pì Ebhe ngubula Filemo, ani atsia ayo di Ebhe pì ani

⁴ Ndụ nedhinga hana ma ngayo Ebhe lie-e, ma ngabhundja mụ Filemo. Ma la di ngagie heni pì ani ngubula mụ ndụ 'kpí hana. ⁵ Padhá de, anga ma ngadje me mụ ne mụkunda naali pì ndụ omabhuka hana, mụ la di ne nabhuka bhú Ngámá Yesu. ⁶ Ma ngayo Ebhe ngubula me nabhuka inde ní akpètse liní ne mụ bhú e-e, zu obabadha nguwa, amba mụ kə mboli obabadha ndụ 'ngú hana inde li Ebhe aha e pì ní-e má kpulukutu! Li mụ mene mo-o, ndụ okpála hana dhégə Kilisito. ⁷ Ndai ma, mụkunda mụ nde ne e pì ondaise ní-e aha djali mụma naali, atsia ato di masi bhú ma, anga mo okə bua omabhuka koko-o.

Polo ayo ka Filemo me ani sia Onezime ndjindji

⁸ Kaka-a, abana ma nde lie ne angu nayo 'he ka mụ maka li bua ma akunda lie bhú 'bu nabhuka ní nde ne mụ bhú e, ⁹ ma ayó ka mụ mo-o de. La-a, ma ayó mangbo 'he ka mụ kabula mụkunda ní nde ne mụ bhú e ko. Ma ngapa 'ngú bhomụ pì mụ ngama bhele kpála Polo, ma la di mbia inde-e bhú tikpụ kabula Yesu Kilisito. ¹⁰ Ma ngakikiliki lima pì mụ ngubula Onezime, ndilì gba ma bhú 'bu nabhuka. Ani abhuka Yesu sa 'kpa ma ei, nedhinga ma nde lie bhú tikpụ-o. Kaka-a, ani

maka ndili gba ma, ma maka 'dyi ani. ¹¹ Nako kalanu-o, ani du pi mu li kulu bini de, engu bini mbia inde-e, ani akolo pi ndu ni bhisi hana li kulu.

¹² Ngaani-e, a ko kpukpú na bua ma. Mbia inde-e, ma ngagie ani pi mu. ¹³ Ma nde lie bhú tikpu ei kabula Bádha Ngali-e, bua ma apa muma me ani du de ma si ngu nateteke ma mada mu. ¹⁴ Engu bini, ma kunda nako namene mo-o padhá de me mu nde ziba de-e de. Padhá de, anga ma kunda nagbite mu li namene mo-o ne ekpu de. Ma akunda mangbo me mu mene engu ang-o ne bádha bua.

¹⁵ Nedhinga koko-o, Ebhe amene me Onezime nu li bili koko ngubula nedhinga bedi, amba pipita-a, ani gie lie agba mu, ngu nadu ne mu bhú dabili bini ndu 'kpi hana. ¹⁶ Padhá de, anga mbia inde-e, a ko matá bali de, engu bini ani ane bali mane. A ko ndai ni na mukunda. Ngama Polo-o, ma kunda ani naali. La ngamu-o, mukunda gba mu pi ani-e ane la matá mane, anga a ko kpala-kuti, a ko la di ndai mu makilisito.

¹⁷ Kaka-a, i du me mu nde ngau ma maka ndai mu-o, mu de sia ani mugito me mo osia ma makpe. ¹⁸ Li ani mene mu sisiti-e, i du di me ani nde ne bopulu nagigie pi mu-o, ma agie pi mu ngama. ¹⁹ Ngama Polo-o, ma aye pi mu ne 'kpa ma makpe me: «Ma agie pi mu ngama.» La-a, mu ti da nayo ehe bini li ma de, anga mukobho na duduma inde mo osia e-e, mo odje 'ngu ang-o ka ma. ²⁰ A moko ndai ma, mene engu bhomu-o muma kabula mukunda gba Ngamá gba ni-

o. Teteke bua ma, anga ní akpɔtɔɔ liní bhú 'bu Kilisito.

²¹ Nedhinga ma ngaye balua inde-e pi mu lie, ma aziba na paká me mo oméne engú ma ngayo e ka mu-o mamene. Ma ambila la di me mo oméne belegu ané bhende ma ngayo e ka mu-o mane. ²² Nedhinga inde mo osia Onezime lie agba mu-o, mu de leke di dabili muma ngu nasi ka ma tété. Padhá de, anga ma abhundja me Ebhe asúno bádha bhú 'bu bhú mayo gba yi-e masuno. Ani tsia bhúlu kpadji muma me ma kolo li yi oo ko.

Oeli na soso

²³ Epafalasi, inde bhú tikpu bhú dabili bini ne ma kabula Yesu Kilisito-o yi mu mayi. ²⁴ Maloko, ne Alisitaluka, ne Demasi di ne Luka ndu uo hana ngamene kulu ne ma bhú dabili bini. U apa di me o yi mu mayi. ²⁵ A ayo me bádha bhú 'bu gba Ngámá gba ní Yesu Kilisito-o du ne yi.

Gandja na Mbia
Mayogo: Gandja na Mbia (New Testament)

copyright © 2020 Wycliffe Bible Translators, Inc.

Language: (Mayogo)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 21 Feb 2024 from source
files dated 29 Jan 2022

6b4904fb-f8ce-5931-8218-7cee8914232c